

大般涅槃經

籍

中

二百七十八  
澄六

49537



藏  
卷  
法  
金剛  
院  
置  
藏  
卷  
法  
金剛  
院  
置  
藏  
卷  
法  
金剛  
院  
置

大般涅槃經卷中六

東晉平陽沙門釋法顯譯

尔時弗波育帝等而白佛言世尊我等從今  
以中上法互相開導於是弗波育帝等五百  
人即於佛前受三歸依并及五戒弗波育帝  
等重白佛言唯願世尊及比丘僧朋受我供  
于時如來默然許之弗波育帝等知佛許已  
即從座起與其來衆禮佛而退還到其舍通  
夕辦好香美飲食既至明日食時將到遣信  
白言唯願世尊自知其時於是如來與比丘  
僧前後圍繞往詣其舍次第而坐弗波育帝  
見佛及僧悉安坐已便起行水手自斟酌諸

美飲食餘婆羅門長者居士有五百人各覺  
美饌亦在其舍共供養佛時諸比丘當於食  
上有不善攝身威儀者諸婆羅門長者居士  
既見之已心不歡喜尔時世尊知衆人心而  
普告言汝等當知如來正法深曠如海不可  
測量又復大海有諸衆生身體極大長萬六  
千踰闍那或復身長八千踰闍那或復身長  
四千踰闍那或復身長千踰闍那或復身長  
一寸半寸乃至極微如來法海亦復如是其  
中或有得阿羅漢具足三明及以六通有大  
威德福天人者其中亦有得阿那含者斯陀  
含者須陀洹者亦復有得四果向者乃至亦

有凡夫之人未得往利者是故汝勿於法海中而生礙心於是世尊而說偈言

一切衆川流 皆悉歸大海 若飯佛及僧

福歸已亦然

爾時如來說此偈已又為衆人說種種法于時弗波育帝等五百人於諸法中遠塵離垢

得法眼淨爾時世尊與比丘僧從座而起更復前行趣波波城弗波育帝等五百人悲號啼泣奉送如來徘徊願慕絕望乃反

爾時世尊既至彼城彼城之中有二巧子名曰純陁其人有園極為閑靜如來即便與諸比丘前後圍繞往住彼園是時純陁聞佛及

僧來其園中歡喜踊躍不能自勝與其同類  
俱詣佛所頭面禮足却住一面而白佛言不  
審世尊何緣來此有他趣耶尔時世尊即答  
之言我今所以來至此者不久應當入般涅  
槃是以故來最後相見是時純施及其同類  
聞佛此語心大悲惱悶絕於地良久微聲而  
白佛言世尊今者捨諸衆生不慈念耶云何  
便欲入般涅槃唯願世尊住壽一劫若減一  
劫即又拍頭搥背大叫作如是言嗚呼苦哉  
世間眼滅一切衆生從今以後沒生死海未  
有出期所以者何無上導師般涅槃故  
尔時世尊告純施言汝今不應生苦惱也一

切諸行法皆如是悉為無常之所遷變合會  
恩愛必有別離是故汝今勿生憂惱尔時純  
陀即白佛言我今亦知諸行無常合會恩愛  
皆悉別離然無上尊當般涅槃我今云何而  
不悲惱

尔時世尊即為純陀說種種法純陀聞已憂  
悲小歇便從座起整身威儀偏袒右肩頂禮  
佛足白言世尊唯願明日受我薄供世尊即  
便默然許之尔時純陀知佛許已禮足而退  
純陀還舍通夜辦於多美飲食至明食時遣  
信白佛唯願世尊自知其時於是如來與諸  
比丘前後門繞往詣其舍次第就座是時純

隨見佛坐已即便行水手自斟酌下諸精饌  
世尊及僧食竟洗鉢還歸本座純隨亦坐

尔時世尊告純隨言汝今已作希有之福最  
後供飯佛比丘僧如此果報無有窮盡一切  
衆生所種諸福無有能得等於汝者宜應自  
生欣慶之心我今最後受汝請訖更不復受

他餘供飯尔時世尊即說偈言

汝今已建立 希有之功德 最後得供飯

佛及比丘僧 功德日增長 永無窮竭時

汝今宜自應 深生欣慶心 一切所造福

無有等汝者

尔時世尊說此偈已即語阿難我今身痛欲



疾往彼鳩尸那城。今時阿難與諸比丘并及  
純陀聞佛此語，生大苦痛，號泣流連，不能自  
勝。於是世尊即從座起，與諸比丘前後圍遶，  
趣向彼城。

今時純陀亦與眷屬隨從如來，世尊中路止  
一樹下，語阿難言：我於今者極患腹痛，即將  
阿難去樹不遠，而便下血。既還樹下，而勅阿  
難汝可取我僧伽梨衣四疊敷地，我欲坐息。  
不堪復前，阿難受勅，世尊即便坐息樹下，又  
告阿難：我今患渴，汝可往至迦屈，嗟河取淨  
水來。阿難答言：向有商人五百乘車從河而  
過，其水必濁，恐不堪飲。如是再三勅於阿難。

阿難然後持鉢而去既到河上見水澄清清心  
大怖懼身毛皆豎而自念言我於向者見諸  
商人五百乘車經此水過意謂猶濁不言便  
清致今屬逆如來之勅即持水歸而以供奉  
作如是言甚竒世尊向見商人五百乘車從  
河而度方於前後十里之中猶未應清世尊  
神力俄尔之頃而便澄潔世尊即便受水飲之  
尔時有一滿羅仙人之子名弗迦娑是彼迦  
蘭仙人弟子從鳩尸那詣波波城忽於中路  
而見如來坐息樹下合掌問訊却坐一面而  
白佛言夫出家法禪定業最為第一調伏情  
根使心不亂專精寂靜莫能驚恐所以者何

憶念往昔隨從我師迦蘭仙人行於道路既  
患疲乏近於路側止息樹下我師即便坐禪  
思惟當尔之時有諸商人乘五十乘車從前  
而過我師尔時猶故寂默身不動搖如是良  
久方從禪起我即便往而白師言尊向在此  
坐禪之時有諸商人五十乘車經前而過聲  
如雷震不審尊向為見之不師荅我言都無  
所見又復問言聞其聲不亦荅不聞即復白  
言尊今衣上所以有此塵土汙者是彼車過  
故致尔耳我於尔時深生奇特知坐禪法極  
可敬重善攝情根無能亂者尔時世尊荅弗  
迦婆汝向所說非為奇特所以者何若復有

人非是熟眠亦復不入於滅盡定端心坐禪  
五百乘車從其前過此人于時不覺不聞如  
是乃可名爲奇特復次弗迦娑斯亦未足爲  
大奇特若復有人正念坐禪遇天霹靂雷電  
震曜時有耕者兄弟二人聞此驚怖應聲而  
死又有四牛亦皆頓絕而坐禪者不覺不聞  
斯可得名爲奇特不弗迦娑言五百乘車從  
前而過不覺不聞已爲奇特况復霹靂震曜  
動地而不聞覺極爲希有尔時世尊告弗迦  
娑我於往昔在阿車摩村於一樹下端坐思  
惟時有商人五百乘車經我前過而我禪思  
不覺不聞諸商人等經過良久我方出定時

彼商人遙見我起皆悉覓來見我身上塵土  
汗衣即便拂之而問我言我等向者五百乘  
車從此而過世尊見不即便答言我不見也  
彼復問言世尊自可閉目不視為聞聲不我  
又答言亦不聞聲商人又問世尊為眠為是  
入於滅盡定耶我又答言我向不眠亦非入  
定但在禪思故無聞見彼諸商人聞我此言  
極生竒特歎未曾有而作是言坐禪之力乃  
能如此我即為其說種種法時彼商眾悉於  
諸法遠塵離垢得法眼淨復次弗迦娑我於  
往日在彼村側田間獨坐寂默禪思不久忽  
然天大霹靂雷電風雨震動天地時有耕者

兄弟二人忽聞此聲同共怖死又有四牛亦復頓絕時彼村人間有耕者二人怖死或是父母妻子知識合村相隨涕泣來看我於介時方從禪覺見地泥水又有衆人集聚號哭有一人來我即問言何故人衆聚此悲泣彼人荅言世尊向者不覺雷電霹靂聲耶我村之中兄弟二人在此而耕同時爲於霹靂所煞及以四牛亦皆俱死去何世尊而不覺知如來向者爲是得眠爲是入於滅盡定耶即荅之言我向不眠亦不入定端寂坐禪故不聞耳是時彼人聞佛此語深生竒特歎未曾有心自念言坐禪乃有如此之力我即爲其

種種說法既聞法已於諸法中遠塵離垢得  
法眼淨時弗迦娑聞佛此言生希有心而白  
佛言本見我師坐禪之時五十車過而不聞  
知謂為竒特今者如來說此二事百千萬倍  
不可為比如來禪力不可思議即便從佛受  
三歸依如來為說種種妙法其聞法已心開  
意悟遠塵離垢得法眼淨即語侍人汝可取  
我金色劫貝二張持來我欲上佛侍人奉勅  
即取將來時弗迦娑手執劫貝長跪佛前而  
作是言我今以此奉上世尊唯願哀愍即賜  
納受

尔時世尊答弗迦娑我今為汝受取一張可

以一張施於阿難所以者何阿難日夜親侍  
我側且又今日看我疾病若有施主施於病  
人及看病者斯則名爲滿足大施時弗迦娑  
聞佛此語歡喜踊躍即以一張置佛足下又  
持一張至阿難所長跪白言我今以此奉施  
尊者唯願納受阿難答言善哉善哉汝今能  
信天人師言令汝長夜永得安樂我爲汝受  
於是弗迦娑還至佛所如來即復爲說諸法  
其間法已得阿那含果時弗迦娑復白佛言  
我今欲於佛法出家佛即喚言善來比丘鬚  
髮自落袈裟著身即成沙門得阿羅漢  
今時如來從其面門放種種光青黃赤白頗



梨紅色於是阿難頂禮佛足長跪叉手而白  
佛言不審世尊有何因緣而現此瑞佛即答  
言阿難當知我有二時放大光明一者在菩  
提樹欲成佛時放大光明二者欲般涅槃放  
大光明阿難知不我成阿耨多羅三藐三菩  
提盡於夜分般涅槃時亦復如是汝今當知  
我於今者後夜分盡在鳩尸那城力士生地  
熙連河側娑羅雙樹間入般涅槃說此語已  
諸比丘衆虛空諸天悲號啼泣不能自勝尔  
時世尊與比丘衆到迦屈蹉河世尊即便入  
河洗浴洗浴訖已共比丘僧坐於河側  
尔時純陋心自咎責世尊因受我之供飯而

患腹痛欲般涅槃。尔時世尊知純陁心告阿  
難言。汝今當知一切衆生勿自責言。如來因  
受我之供飯。致使身患。而般涅槃。所以者何。  
如來出世有二種人獲福。最上一者欲成阿  
耨多羅三藐三菩提時而來奉施。二者如來  
臨欲般涅槃時最後供飯。此二人福正等無  
異。所獲果報不可稱計。如此二施難可值遇。  
如優曇鉢花時時。乃有尔時世尊即告純陁  
汝今心意正有此念。不應自生如此悔責。已  
獲無上難得之寶。宜應自生慶幸之情。百千  
萬劫佛名難聞。雖得聞名見佛。又難雖得見  
佛供養。又難雖得供養。在此二施亦又甚難。

汝今已果不久當獲辯才智慧色力壽命  
爾時純隨聞佛此語心生歡喜不能自勝而白  
佛言快哉世尊我今已得如此大利爾時世  
尊而說偈言

布施者獲福

慈心者無怨

為善者消惡

離欲者無惱

若行如此行

不久般涅槃

爾時世尊說此偈已告純隨言汝今應以最  
後施福廣為人說令得聞者長夜獲安爾時  
世尊告阿難言我今欲進鳩尸那城力士生地  
熙連河側娑羅雙樹間阿難白言唯然世尊  
於是如來與諸比丘前後圍繞而便進路濟  
熙連河住鳩尸那城力士生地娑羅林外語

阿難言汝可往至娑羅林中見有雙樹孤在  
一處灑掃其下使令清淨安處繩牀令頭北  
首我今身體極苦疲極爾時阿難及諸比丘  
聞佛此語倍增悲絕阿難流淚奉勅而去至  
彼樹下灑掃敷施皆悉如法還歸白言灑掃  
敷施皆悉已畢爾時世尊與諸比丘入娑羅  
林至雙樹下右脅著牀累足而卧如師子眠  
端心正念爾時雙樹忽然生花墮如來上世  
尊即便問阿難言汝見彼樹非時生花供養  
我不阿難荅言唯然見之爾時諸天龍神八  
部於虛空中雨眾妙花曼陀羅花摩訶曼陀  
羅花曼殊沙花摩訶曼殊沙花而散佛上又

散牛頭旃檀等香作天伎樂歌頌讚歎

佛告阿難汝見虛空諸天八部供養我不阿  
難白言唯然已見世尊又復告阿難言欲供  
養我報於恩者不必以此香花伎樂淨持禁  
戒讀誦經典思惟諸法深妙之義斯則名爲  
供養我也余時有一比丘名優波摩那如來  
昔日未取阿難爲侍者時其恒執事看視如  
來時優波摩那既見如來卧雙樹下心大苦  
惱在佛前泣

余時世尊而告之言汝今不須當我前立優  
波摩那即却一面余時阿難心生疑念我侍  
佛來經歷年載未曾見佛作如此語今日何

故不聽前立如來今者不久便當入般涅槃  
而復不聽在前悲泣於是阿難即禮佛足長  
跪叉手白言世尊我從昔來侍佛至今數數  
在於世尊前立而未曾聞令我却退今者何  
故語優波摩那使避前耶佛言阿難諸天龍  
神八部之衆聞我在於娑羅雙樹右脅而卧  
皆悉競來瞻視於我從虛空中累至于地四  
面充滿各三十二踰闍那此優波摩那比丘  
當我前立天龍八部生不喜心作如是念如  
來今者在雙樹間不久便當入般涅槃我等  
最後瞻視之時而此比丘當佛前立以是因  
緣故令我去阿難知不今此八部或有悲泣

不能自勝或有懊惱迷悶欲絕或有以手自  
拔頭髮或有牽絕嚴身具者悉皆同聲唱如  
是言如來今者入般涅槃何其速哉如來出  
世難可值遇如優曇鉢花時時乃現而今不  
久入般涅槃嗚呼苦哉世間眼滅我等從今  
誰爲歸導離欲諸天皆悉歎言嗚呼世間極  
爲無常無有受生不歸滅者又彼諸天共相  
謂言世尊昔日或在毗耶離城或在王舍城  
或在舍衛國并及餘處安居訖已諸比丘衆  
從四方來問訊世尊我等因此得於路側見  
諸比丘禮拜供養聽受經法長獲福利世尊  
今者旣般涅槃諸比丘僧安居竟已無復問

此  
此  
訊遊行處所我等不復得於路側見諸比丘  
禮拜供養聽受經法從今永去如此福利  
尔時如來告阿難言若比丘比丘尼優婆塞  
優婆夷於我滅後能故發心往我四處所獲  
功德不可稱計所生之處常在入天受樂果  
報無有窮盡何等為四一者如來為菩薩時  
在迦比羅旃兜國藍毗尼園所生之處二者  
於摩竭提國我初坐於菩提樹下得成阿耨  
多羅三藐三菩提處三者波羅捺國鹿野苑  
中仙人所住轉法輪處四者鳩尸那國力士  
生地熙連河側娑羅林中雙樹之間般涅槃  
處是為四處若比丘比丘尼優婆塞優婆夷



并及餘人外道徒衆發心欲往到彼禮拜所  
獲功德悉如上說。爾時阿難聞佛此語白言  
世尊我從今者當者宣告諸四部衆知此四  
處若往禮拜功德如是。爾時阿難復白佛言  
若有善心諸優婆夷善持戒行樂聽經法欲  
見比丘我等從今當云何。耶佛言汝等從今  
勿與相見。阿難言若脫遇會與之相逢當復  
云何。佛言勿與共語。阿難言若不共語其脫  
諮請欲聞經法當復云何。佛言應爲說法。但  
當善攝汝身口意。爾時阿難而白佛言我等  
從今如是奉行。

爾時阿難而白佛言世尊入於般涅槃後供

養之法當云何耶佛言汝今不應遙憂此事  
但自思惟於我滅後護持正法以昔所聞樂  
爲人說所以者何諸天自當供養我身又婆  
羅門及以諸王長者居士此等自當供養我  
身阿難言雖復天人自興供養然我不知應  
依何法佛言阿難供養我身依轉輪聖王阿  
難又問供養轉輪聖王其法云何佛言阿難  
供養轉輪聖王之法用新淨綿及以細氎合  
纏其身如是乃至積滿千重內金棺中又作  
銀棺盛於金棺又作銅棺盛於銀棺又作鐵  
棺盛於銅棺然後灌以衆妙香油又復棺內  
以諸香華而用塗散作衆妓樂歌唄讚頌然

後下蓋造大寶輿極令高廣軒蓋欄楯衆妙  
莊嚴以棺置上又於城中作闍維處掃灑四  
面極令清淨以好栴檀及諸名香聚爲大積  
又於積上敷舒繒氎施大寶帳以覆其上然  
後輿舉至闍維處燒香散華妓樂供養繞彼  
香積周迴七匝然後以棺置香積上而用香  
油以澆灑之然火之法從下而起闍維旣竟  
收取舍利內金甌中即於彼處而起堯婆表  
刹莊嚴懸繒幡蓋諸人民等恒應日日燒香  
散華種種供養阿難當知供養轉輪聖王之  
法其事如是闍維我身亦與王等然起堯婆  
有異於王表刹莊嚴應懸九繖若有衆生懸

繒幡蓋燒香散華及然燈燭禮拜讚歎我兜  
婆者。此人長夜獲大福利。將來不久。他人亦  
復起大兜婆。供養其身。阿難當知。一切衆生  
皆無兜婆。唯有四人得立兜婆。一者謂如來  
應正遍知。明行足。善逝。世間解。無上士。調御  
丈夫。天人師。佛。世尊。慈愍衆生。堪爲世間作  
上福田。應起兜婆。二者謂辟支佛。思惟諸法  
自覺悟道。亦能福利世間。人民應起兜婆。三  
者謂阿羅漢。隨所聞法。思惟漏盡。亦能福利  
世間。人民應起兜婆。四者謂轉輪聖王。宿殖  
深福。有大威德。王四天下。七寶具足。自行十  
善。又復勸於四天下人。亦行十善。應起兜婆。

阿難當知若有衆生以諸供具而以供養此  
兜婆者其所得福漸次差降

余時阿難聞佛此語心生懊惱悲號啼泣隱  
於佛後相去不遠而以微聲作如是言我今  
猶是學地之人於諸法中未得深味而天人  
師一旦捨我入般涅槃我當何時踐解脫路  
即便舉手攀一樹枝搥背拍頭悶絕懊惱余  
時世尊問餘比丘阿難即時爲在何處比丘  
荅言阿難今者在如來後於一樹下啼泣懊  
惱又告比丘汝可往彼語阿難言天人之師  
今欲見汝比丘便往說如來言阿難旣聞即  
便來還至於佛所頭面禮足倚立一面世尊

於是問阿難言我於近日已爲汝說一切諸  
行皆悉無常合會恩愛必歸別離汝今何故  
猶生悲惱復次阿難汝從往昔侍我至今左  
右執事進止去來及通賓客皆得宜節又復  
見汝身口及意皆悉清淨無有瑕穢汝獲福  
利不可稱計今時世尊告諸比丘阿難不應  
作此悲惱所以者何不久當得到解脫處比  
丘當知過去諸佛皆有侍者如今阿難未來  
諸佛亦復如是比丘當知今此阿難智慧深  
妙聰明利根我從昔來所說法藏阿難皆悉  
憶持不忘復次比丘阿難善知進止時節若  
有人客欲來見我阿難即先思量其時世尊

或應某時見諸比丘或應某時見比丘尼或  
應某時見優婆塞或應某時見優婆夷或應  
某時見婆羅門或應某時見於刹利或應某  
時見長者居士或應某時見諸外道如是等  
衆若來見我及聞說法皆悉多獲功德福利  
所以者何悉是阿難通進見我得其善根成  
熟時故復次比丘轉輪聖王有四奇特希有  
之法一者若婆羅門來至轉輪聖王之所既  
到見王顏容端正威德高顯心生歡喜次聞  
王語音辭清徹亦生歡喜乃至見王默然無  
言又懷踊躍及與王辭還歸所止迴戀願慕  
步步悵怏如飢渴人不得飽滿二者諸小刹

利三者毗舍四者首陀羅亦復如是此爲轉  
輪聖王四竒特事當知阿難亦有此四竒特  
之事一者若諸比丘從遠方來欲問訊我次  
見阿難皆生歡喜聞其說法及見默然亦復  
欣悅辭別而退戀德情深不能有已二者比  
丘尼三者優婆塞四者優婆夷亦復如是汝  
等當知阿難有此四竒特事

尔時出尊告阿難言汝今不應自生苦惱而  
作是言天人師將般涅槃我今無復解脫  
之期所以者何凡我所說一切法藏於我滅  
後思惟奉持勤行精進不久自當得於解脫  
尔時阿難既得如來梵音安慰憂惱小除而



白佛言我今心意如小醒悟彼有所請唯願  
哀愍佛即荅言欲請何事阿難言此鳩尸那  
城比餘大國極爲邊狹人民又復不能熾盛  
唯願世尊往餘大國王舍城毗耶離城舍衛  
國城婆羅捺城阿踰闍城瞻波城俱睽弥城  
德义尸羅城如是諸城所處正中人民熾盛  
國土豐樂皆多信心智慧聰明唯願世尊往  
彼諸城而般涅槃廣利其中諸衆生等  
尔時世尊荅阿難言汝今不應作是請我言  
此鳩尸那城爲邊狹也汝當諦聽今爲汝說  
阿難過去久遠此鳩尸那城有轉輪聖王名  
大善見七寶具足王有千子能伐怨敵皆以

正法化諸人民。今時此城名鳩尸婆帝城。東  
西門。其間相去十二踰闍那。南北二門。其間  
相去八踰闍那。其城四面周匝七重。其內一  
重。淳以黃金。其第二重。淳以白銀。其第三重  
淳以琉璃。其第四重。淳以頗梨。其第五重。淳  
以車璆。其第六重。淳以馬瑙。其第七重。雜以  
衆寶。其城樓櫓皆悉七層。窻牖欄楯七寶雕  
飾。懸衆寶鈴寶網羅。上其間相去盡一箭道。  
其城四門。門各九重。莊校嚴飾。光麗悅目。七  
重城外。各有塹水。其水澄潔。具八功德。皆以  
七寶而爲階陛。諸雜類鳥鸞鳳孔雀鳧鴈鴛  
鴦。翻翔飛舞。鳴集其中。其水復有鳩牟頭華。

鬱波羅華分陟利華青黃赤白雜色蓮華又  
其岸上有七行寶樹行各異寶微風徐起吹  
彼樹枝條葉相觸音如天樂城中人民皆悉  
盈滿安隱豐樂極爲熾盛諸五欲具如忉利  
天道路之中懸諸明珠人民行止初無晝夜  
此城恒有十種音聲一者象聲二者馬聲三  
者車聲四者鼓聲五者螺聲六者琴瑟等聲  
七者歌聲八者扣鍾擊磬設大會聲九者讚  
歎持戒人聲十者互共說法語論之聲大善  
見王有諸威德端正第一衆人見者無不愛  
敬長壽歡樂身無小疾王性慈仁愍念一切  
猶如慈父憐愛其子一切人民親敬於王亦

復如父阿難大善見王別於一時欲出園林  
遊觀嬉戲嚴四種兵各八萬四千又復後宮  
夫人姝女亦嚴八萬四千乘車欲隨遊看時  
王又復勅於國中諸婆羅門長者居士令隨  
出遊嚴駕辦已時王兵臣入白王言四兵已  
辦願王知時時王即便昇白象輿與婆羅門  
長者居士大臣眷屬及以四兵前後圍繞出  
往園中象行駿疾猶如風馳介時諸臣及婆  
羅門長者居士共諫王言大王久在深宮之  
中外諸人民無緣見王今者既往園林遊觀  
諸人民衆充塞路側皆悉瞻仰欲見大王以  
是事故願勅御者不須迅速王聞此語即勅

御者令徐徐行路邊人民恣意瞻仰如子見  
父尔時彼王見諸衢巷無不平坦又七寶樹  
羅列蔭映而無池水即勅一臣夾諸路側造  
七寶池其間相去皆一百弓又令栽植種種  
名華又復勅令一一池間給諸侍人有來浴  
者供以香華又與飲食恣意取足如是供給  
不捨晝夜又勅彼臣自今已後四遠人民有  
來求乞隨須給與既到園林與婆羅門長者  
居士并餘大臣遊觀嬉戲乃至日暮珠光明  
曜如晝無異不見日影乃知是夜時王與諸  
婆羅門衆長者居士并餘臣民嬉戲訖已還  
歸宮城別於他日時婆羅門長者居士及與

大臣持衆名寶共來獻王王即語言我於近日園林遊戲勅於某臣自今已去有來求索隨意給與我之布施乃至如是卿等云何及以衆寶而來獻我時王即便心自思惟此諸人等所以持寶來獻我者皆緣國中富貴之故如此之事由民貧來即勅藏臣出諸珍寶及寶生具置四衢道槌鍾擊鼓唱令四遠大善見王今開寶藏以用布施若有所須隨意來取王恒如是廣行布施利益衆生不捨晝夜亦時國中諸婆羅門長者居士及以大臣而白王言大王常可所居宮殿極爲褊狹我等每來問訊王時諸侍從者不相容受唯願大

王開拓令廣王聞此語默然許之心自念言  
我今宜應開闢任處時天帝釋知王心念呼  
一天子名毗首建磨極爲妙巧無事不能而  
語之言今閻浮提轉輪聖王名大善見其今  
欲更開拓宮城汝便可下爲作監匠使其居  
處嚴麗雕飾如我無異彼天奉勅即便來下  
猶如壯士屈申臂頃到閻浮提當王前立時  
王旣見彼天子形風姿端正必知非凡而問  
之言汝是何神而忽來下天即荅言大王當  
知我天帝釋之大臣也名毗首建磨極開工  
巧大王心欲開廣宮殿故天帝釋遣我來下  
爲作監匠以助於王王聞此言心懷歡喜時

彼天子即便經始開廓宮城城之四門其間  
相去二十四踰闍那為王起殿高下縱廣各  
八踰闍那七寶嚴麗如帝釋宮其殿凡有八  
萬四千間隔住處皆有七寶床帳卧具又復  
為王起說法殿高下縱廣亦八踰闍那七寶  
莊飾無異於前其殿四面有七寶樹及以名

華列植蔭映又造寶池其水清潔具八功德  
其殿中央施師子座七寶莊嚴極為高廣覆  
以寶帳垂七寶毼又為四遠來聽法者設四  
寶座黃金白銀琉璃頗梨其數凡有八萬四  
千毗首建磨既為彼王造作宮城皆悉竟已  
與王辭別忽然不現還歸天上時大善見王



既見宮城皆悉修立即勅擊鼓唱令國界大  
善見王却後七日當為一切說種種法若欲  
樂聞皆可來集說法殿上時婆羅門長者居  
士大臣人民聞此唱令至於其日皆悉來集  
時王即便上說法殿登師子座一切來衆亦  
皆坐於四寶之座尔時彼王先為諸人說才  
善法然後又為開餘法門乃至經於萬二千  
歲其國衆生若有曾聞彼王法者命終生天  
不墮三塗阿難彼王恒作如此利益一切衆  
生阿難時大善見王於靜室中心自念言我  
過去世有何行業修何善根生世尊貴有大  
威德色力壽命人無等者正當由於過去世

中廣修布施忍辱慈悲故今獲得如此報耳  
我今宜應更修進勝而便思惟不久之間即  
得初禪乃至得於第四禪復更修習四無量  
心阿難大善見王又教夫人及以姝女令修  
四禪

大般涅槃經卷中六

歌許 謁 屈下 七 全蒲 悶 歌下 音 牽下 祖

旃反 勞 兜上 蒲 大貝 積下 子 織音 散 悵上 丑 快反 丑

樓反 於 鷹反 上 槽下 音 鳧上 音 廓反 苦 郭而 志 眊而 志

駿反 子 閏反 閏 蔭下 於 映下 於 嬉上 許 戲之 反 褊上 必 狹下 候 免反 反

睽下 音 擊下 音 擊下 音

澄

